

Sarajevska regionalna razvojna agencija SERDA d.o.o. Sarajevo, Kolodvorska 6, 71000 Sarajevo, koju zastupa, direktor Ševkija Okerić (u daljem tekstu: Ugovorni organ)

i

Društvo za posredovanje u turizmu i nekretninama GoBook d.o.o. Visoko, adresa: Alaudin 10, 71300 Visoko, koga zastupa direktor Adi Ahić (u daljem tekstu: Dobavljač), sklapaju

OKVIRNI SPORAZUM o pružanju usluga AVIO PREVOZA - obezbjeđivanja avionskih karata za potrebe SERDA d.o.o. Sarajevo

I UVODNE ODREDBE

Član 1.

Strane u Okvirnom sporazumu saglasno konstatiraju:

- da je Ugovorni organ u skladu sa Zakonom o javnim nabavkama („Službeni glasnik BiH“, broj 39/14, u daljem tekstu: Zakon) proveo OTVORENI POSTUPAK javne nabavke usluga AVIO PREVOZA za potrebe SERDA d.o.o. Sarajevo, sa ciljem zaključivanja Okvirnog sporazuma sa jednim Ponuđačem od datuma obostranog potpisivanja pa do 31.12.2020. godine;
- da je Ugovorni organ svojom Odlukom broj: OD-3/20 od 08.01.2020. godine, ponudu odabranog Ponuđača broj: 211/19 od 18.11.2019. godine ocijenio najpovoljnijom za sklapanje ovog Okvirnog sporazuma.

Na osnovu ovog Okvirnog sporazuma će se zaključivati pojedinačni ugovori prema potrebama Ugovornog organa, a u okviru predmeta nabavke iz člana 2. i iznosa iz člana 4. ovog okvirnog sporazuma, pri tome ne mijenjajući bitne uslove ovog Okvirnog sporazuma.

II PREDMET OKVIRNOG SPORAZUMA

Član 2.

Predmet Okvirnog sporazuma je utvrđivanje uvjeta za zaključenje ugovora na osnovu ovog okvirnog sporazuma, za usluge avio prevoza - rezervacije i obezbjeđivanja avionskih karata za potrebe SERDA d.o.o. predviđenih u planovima aktivnosti u projektima koje implementira Agencija: Challenge to Change, RE-LIVE-WASTE, ADRION 5 SENSES, CHEBEC, KNOWING IPR, GREEN MIND, CONNECTING, između Ugovornog organa i Dobavljača, po najpovoljnijim tržišnim uvjetima, a uz poštivanje svih normi kvantiteta, kvaliteta, te u skladu sa uvjetima iz Tenderske dokumentacije broj: JN-390/19 od 06.11.2019. godine, ponudom Dobavljača, tehničkom specifikacijom iz Tenderske dokumentacije, odredbama ovog okvirnog sporazuma i stvarnim potrebama Ugovornog organa.

III VAŽENJE OKVIRNOG SPORAZUMA

Član 3.

Ovaj okvirni sporazum se zaključuje na period od dana obostranog potpisivanja i važi do 31.12.2020. godine.

IV VRIJEDNOST OKVIRNOG SPORAZUMA, CIJENE U OKVIRNOM SPORAZUMU

Član 4.

Procijenjena vrijednost ovog okvirnog sporazuma je do 65.000,00 KM bez PDV-a. Ukupna plaćanja bez PDV-a na osnovu svih ugovora na osnovu Okvirnog sporazuma ne smiju preći procijenjenu vrijednost predmeta nabavke u toku trajanja ovog okvirnog sporazuma.

Agencijska naknada za uslugu rezervacije i obezbjeđivanja avionske karte je fiksna tokom cijelog perioda važenja okvirnog sporazuma.

Cijena usluge iz člana 2 ovog okvirnog 0,64 KM bez PDV-a, odnosno sa PDV-om 0,75 KM. Ugovorni organ zadržava pravo potpune ili djelimične realizacije nabavke, a u skladu sa Zakonom o javnim nabavkama.

U cijenu usluge su uračunati svi pripadajući troškovi neophodni za realiziranje ugovora o javnoj nabavci.

V NAČIN I UVJETI IZDAVANJA POJEDINAČNIH NARUDŽBENICA

Član 5.

Nakon zaključenja Okvirnog sporazuma, kada nastane potreba Ugovornog organa za predmetom nabavke, Ugovorni organ će zahtjev za avionskim kartama i destinacijama uputiti Dobavljaču u pisanoj formi (putem e-maila ili faxesa).

Dobavljač se obavezuje:

- da će po prijemu zahtjeva za svaku traženu destinaciju ponuditi najekonomičniju cijenu i najpraktičniji itinerer avioprevoza, odnosno da će ponuditi najmanje 3 (tri) opcije itinerera za traženu destinaciju od najmanje 3 (tri) različita avioprevoznika, pod uvjetom da iste postoje za tu destinaciju,
- za svaku od dostavljenih opcija naznačiti uvjete tarife po kojoj se avionska karta prodaje,
- da tražene informacije dostavi u pisanoj formi (putem e-maila ili faxesa) u roku 2 (dva) sata od prijema zahtjeva,
- da Ugovornom organu ukaže na sve moguće posljedice u slučaju otkazivanja, propuštanja, kao i izmjene leta,
- da putem e-maila dostavlja elektronsku kartu direktno iz sistema, na kojoj je naznačena neto cijena, iznos aerodromske takse i drugi uobičajeni troškovi, te agencijska naknada za uslugu rezervacije i obezbjeđivanja avionske karte,

- u slučaju otkazivanja leta od strane aviokompanije, u roku od 7 (sedam) dana vrši se povrat cjelokupnog iznosa vrijednosti karte po cijeni koja je kupljena, odnosno za dio ili dijelove putovanja koji nisu realizirani,
- da osigura fleksibilno radno vrijeme i mogućnost kontakta u toku 24 sata i da Ugovorni organ svrsta u „prioritete” prilikom pružanja usluga koje su predmet nabavke,
- na svakoj fakturi posebno iskazati cijenu avionske karte (cijenu tarife i svih taksi) i cijenu provizije.

Član 6.

Ugovorni organ vrši izbor za njega najprihvatljivije opcije itinerera, te potvrđuje rezervaciju u pisanom obliku (putem e-maila ili faxes). Nakon prijema pisane potvrde rezervacije i narudžbenice, Dobavljač je obavezan da dostavi elektronsku kartu u roku od 1 (jednog) sata.

U slučaju da postoji mogućnost eventualnog otkazivanja avio karte, Ugovorni organ je dužan prilikom naručivanja karte dati do znanja da postoji mogućnost otkazivanja tako da bi Dobavljač, u skladu s tim, ponudio avio kartu na klasi koja je refundabilna.

Ugovorni organ je dužan pri svakom letu naglasiti da želi refundacionu kartu.

Ukoliko Ugovorni organ sam nađe povoljniju ponudu od ponuđenih opcija za nabavu avionskih karata, zadržava pravo da od dobavljača zahtijeva izdavanje iste.

VI UVJETI I ROK PLAĆANJA

Član 7.

Dobavljač će za izdate avionske karte ispostavljati fakture u KM (konvertibilnim markama).

Ugovorni organ će plaćanje izvršiti na račun Dobavljača u roku od 15 (petnaest) od izvršene usluge i prijema ispravne fakture sa pratećom dokumentacijom.

Ugovorni organ zadržava pravo da dinamiku uplate sredstava usklađuje sa mogućnostima izvršenja budžeta.

VII VIŠA SILA

Član 8.

U slučaju da jedna ugovorna strana ne može djelimično ili u potpunosti ispuniti svoje obaveze zbog više sile, dužna je o tome odmah pismeno obavijestiti drugu stranu.

Strana koja snosi posljedice više sile, dužna je na zahtjev druge strane dokazati da je nemogućnost ispunjenja nastupila bez njihove krivice. Pod višom silom podrazumijeva se događaj koji se nije mogao predvidjeti u trenutku sklapanja Okvirnog sporazuma i na koji ugovorne strane objektivno ne mogu i nisu mogle utjecati niti su ih mogle predvidjeti ili spriječiti. Ako viša sila traje duže od 30 (trideset) dana, uslijed čega je otežano ili onemogućeno ispunjavanje ugovornih obaveza, svaka ugovorna strana može raskinuti Okvirni sporazum.

VIII POSEBNE I ZAVRŠNE ODREDBE

Član 9.

Dobavljač se obavezuje da, u slučaju isteka važenja Uvjerenja o akreditaciji IATA u toku trajanja ovog okvirnog sporazuma, Ugovornom organu dostavi dokaz o produženju važenja Uvjerenja o akreditaciji IATA, najkasnije prvog narednog dana od dana prestanka važenja Uvjerenja o akreditaciji IATA.

Član 10.

Ako se odabrani Dobavljač ne bude pridržavao uvjeta iz tehničke specifikacije i ovog okvirnog sporazuma, Ugovorni organ zadržava pravo da automatski raskine Okvirni sporazum i prije njegove same realizacije uz prethodnu pismenu najavu. Otkazni rok po ovom okvirnom sporazumu je 15 (petnaest) dana, a po isteku ovog roka, Okvirni sporazum se smatra raskinutim.

Član 11.

Za sve što nije regulirano ovim okvirnim sporazumom primjenjivat će se odredbe Zakona o obligacionim odnosima, kao i drugih propisa koji reguliraju ovu materiju.

Član 12.

Ugovorne strane su saglasne da sva sporna pitanja u vezi sa ovim okvirnim sporazumom rješavaju sporazumno. Za eventualne sporove koji ne budu riješeni mirnim putem nadležan je Sud u Sarajevu.

Član 13.

Ovaj okvirni sporazum je sačinjen u 4 (četiri) istovjetna primjeraka, 2 (dva) za Ugovorni organ i 2 (dva) za Dobavljača.

Član 14.


Ugovorne strane su saglasne da su ovaj okvirni sporazum pročitale i razumjele, te ga u znak saglasnosti potpisuju.


DOBAVLJAČ
GoBook d.o.o. Visoko
DIREKTOR


Adi Ahić



UGOVORNI ORGAN
SERDA d.o.o. Sarajevo
DIREKTOR


dr. Ševkija Okerić



Broj: 92/20
Sarajevo, 04.04.2020. godine

Broj: UG-68/20
Sarajevo, 16.03.2020 godine